

REUNIÓN DA COMISIÓN 4ª, EDUCACIÓN E CULTURA

Día: 24.05.2018 Hora: 10:30

A Comisión 4ª, Educación e Cultura, da que vostede forma parte, reunirase o próximo día 24 de maio de 2018, ás 10:30 horas, no pazo do Parlamento.

A orde do día é a seguinte :

Punto 1. Proposicións non de lei

29751 (10/PNC-002379)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre a apertura polo Goberno galego dun proceso de diálogo con todos os axentes do sector do teatro co fin de abordar o futuro do Centro Dramático Galego

Publicación da iniciativa, BOPG n.º 296, do 25.04.2018

Punto 2. Preguntas

2.1

21815 (10/POC-003482)

Grupo Parlamentario Popular de Galicia

Fernández Gil, César Manuel e 7 máis

Sobre os piares nos que fundamenta o Goberno galego verbo das políticas de apoio á literatura galega

Publicación da iniciativa, BOPG n.º 237, do 11.01.2018

2.2

26961 (10/POC-004376)

Grupo Parlamentario dos Socialistas de Galicia

Álvarez Martínez, Luis Manuel e Burgo López, María de la Concepción

Sobre a valoración da Consellería de Cultura, Educación e Ordenación Universitaria respecto da demora rexistrada na recepción polo alumnado do material necesario para o desenvolvemento do proxecto Educación Dixital (E-Dixgal) no curso 2017-2018, a súa opinión en relación coa incidencia da súa aplicación práctica no fomento da confianza da comunidade educativa nese proxecto e o número de centros que renunciaron á súa participación nel dende a súa posta en marcha no curso 2014-2015, así como as medidas previstas para incrementar a súa participación

Publicación da iniciativa, BOPG n.º 272, do 07.03.2018

2.3

29948 (10/POC-004767)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a opinión da Xunta de Galicia respecto da concesión de títulos nobiliarios a herdeiros de persoas relacionadas co franquismo

Publicación da iniciativa, BOPG n.º 300, do 04.05.2018

- 2.4 30022 (10/POC-004777)
Grupo Parlamentario dos Socialistas de Galicia
Burgo López, María de la Concepción e Álvarez Martínez, Luis Manuel
Sobre a valoración da Consellería de Cultura, Educación e Ordenación
Universitaria en relación coa situación e a actividade do Centro Dramático
Galego, as razóns da realización da produción "Divinas Palabras" por unha
empresa privada e as súas previsións respecto da introdución dalgunha
modificación na xestión dese centro, así como a apertura dunha mesa de
diálogo cos representantes de todos os sectores teatrais para adoptar as
medidas necesarias co fin de impulsalo
Publicación da iniciativa, BOPG n.º 300, do 04.05.2018
- 2.5 30366 (10/POC-004818)
Grupo Parlamentario de En Marea
Chao Pérez, Luca e Cuña Bóveda, María de los Ángeles
Sobre as previsións do Goberno galego respecto da atención das demandas
da ANPA do CEIP A Ramallosa, do concello de Teo, referidas ás melloras
necesarias no centro
Publicación da iniciativa, BOPG n.º 302, do 09.05.2018
- 2.6 30453 (10/POC-004830)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre o procedemento seguido polo Goberno galego para comunicarlles ás
universidades a súa intención de conxelar as taxas universitarias e de
reducir o prezo das matrículas dos mestrados, a avaliación das súas
repercusións para elas e as súas previsións respecto da compensación das
carencias orzamentarias que veñen padecendo desde o inicio da crise, así
como a data de inicio das conversas para na negociación do novo plan de
financiamento do Sistema universitario de Galicia
Publicación da iniciativa, BOPG n.º 302, do 09.05.2018

Os grupos parlamentarios poderán presentar emendas ás mocións e ás proposicións non de lei ata seis horas antes do inicio da sesión, o abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 16 de maio de 2018

Antonio Mouriño Villar
Presidente da Comisión

RELACIÓN DE MEMBROS DE COMISIÓN 4ª, EDUCACIÓN E CULTURA

POR ORDE ALFABÉTICA

Mesa

Presidente

Antonio Mouriño Villar

P

Vicepresidente

Carlos Enrique López Crespo

P

Secretaria

Luca Chao Pérez

EM

Vogais

Luis Manuel Álvarez Martínez

S

María Ángeles Antón Vilasánchez

P

María de la Concepción Burgo López

S

María de los Ángeles Cuña Bóveda

EM

Teresa Egerique Mosquera

P

César Manuel Fernández Gil

P

Carlos Gómez Salgado

P

Olalla Rodil Fernández

BNG

Moisés Rodríguez Pérez

P

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

1. Proposicións non de lei

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

1.1 29751(10/PNC-002379)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre a apertura polo Goberno galego dun proceso de diálogo con todos os axentes do sector do teatro co fin de abordar o futuro do Centro Dramático Galego

Publicación da iniciativa, 296, 25.04.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 19/04/2018 18:28
Nº Rexistro: 29751
Data envío: 19/04/2018 18:28:37.480

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Olalla Rodil Fernández, Luis Bará Torres, Ana Pontón Mondelo, Xosé Luis Rivas Cruz, Montserrat Prado Cores e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión**, sobre a situación na que se atopa o Centro Dramático Galego (CDG) e as medidas a adoptar para garantir o seu futuro

EXPOSICIÓN DE MOTIVOS

O CDG hai tempo que non atravesa por bos momentos. Ás críticas e polémicas que envolveron e envolveren o proceso de selección do elencos engádeselle a cada vez máis minguada actividade da institución, a escasa distribución das súas montaxes e tamén contratacións de intérpretes cada vez máis reducidas.

Nas últimas semanas, mesmo se ten denunciado publicamente por parte da Asociación de Actrices e Actores Galegos (AAAG) o inicio de modelos de contratación que supoñen, de facto, a externalización da obra *Divinas palabras*.

Son moitas as críticas ao modelo de funcionamento da institución pública que debera representar o teatro nacional galego, sendo referente e motor do sector.

Hai tempo que as actrices e actores, as compañías e todas as persoas vencelladas dunha ou doutra forma co teatro veñen demandando da administración pública que preste atención e escoite as súas demandas. Que abra unha mesa de diálogo co sector



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 19/04/2018 18:28
Nº Rexistro: 29751
Data envío: 19/04/2018 18:28:37.480

para adoptar as medidas necesarias que permitan recuperar –mesmo refundar-- o Centro Dramático Galego dotándoo, alén do máis, de maior autonomía e orzamento.

Por todo o exposto, o Grupo Parlamentar do BNG presenta a seguinte proposición non de lei para debate en comisión:

“O Parlamento insta a Xunta de Galiza a abrir, de maneira urxente, un proceso de diálogo con todos os axentes do sector do teatro co obxectivo de abordar o futuro do Centro Dramático Galego.”

Santiago de Compostela, 19 de abril de 2018

Asdo.: **Olalla Rodil Fernández**

Montserrat Prado Cores

Noa Presas Bergantiños

Xosé Luis Rivas Cruz

Luis Bará Torres

Deputadas e deputados do G.P. do BNG

Ana Pontón Mondelo

Portavoz do G.P. do BNG



BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 19/04/2018 18:28
Nº Rexistro: 29751
Data envío: 19/04/2018 18:28:37.480

Asinado dixitalmente por:

Olalla Rodil Fernández na data 19/04/2018 18:26:25

María Montserrat Prado Cores na data 19/04/2018 18:26:34

Ana Pontón Mondelo na data 19/04/2018 18:26:35

Xose Luis Rivas Cruz na data 19/04/2018 18:26:37

Noa Presas Bergantiños na data 19/04/2018 18:26:39

Xosé Luis Bará Torres na data 19/04/2018 18:26:40

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2. Preguntas

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.1 21815(10/POC-003482)

Grupo Parlamentario Popular de Galicia

Fernández Gil, César Manuel e 7 máis

Sobre os piares nos que fundamenta o Goberno galego verbo das políticas de apoio á literatura galega

Publicación da iniciativa, 237, 11.01.2018



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 27/12/2017 12:14
Nº Rexistro: 21815
Data envío: 27/12/2017 12:14:15.482**

A Mesa do Parlamento

César Fernández Gil, Teresa Egerique Mosquera, María Antón Vilasánchez, Carlos Gómez Salgado, Carlos López Crespo, Antonio Mouriño Villar, Moisés Rodríguez Pérez e Martín Fernández Prado, deputados e deputadas do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral na Comisión 4ª, Educación e Cultura**.

O sector do libro é fundamental para impulsar o desenvolvemento de toda sociedade e para garantir o acceso á cultura, á información e ao coñecemento por parte da nosa cidadanía.

Nun escenario de enormes dificultades para todos os sectores culturais, é preciso que a Xunta continúe a desenvolver unha estratexia de apoio ao libro e a literatura galega coordinada e coherente coa realidade e coas necesidades actuais do sector en Galicia.

Por todo o exposto, os deputados asinantes, formulan a seguinte pregunta en Comisión:

Sobre que piores está a fundamentar o Goberno galego as súas políticas de apoio ao libro e a literatura galega?

Santiago de Compostela, 27 de decembro de 2017

Asinado dixitalmente por:

César Manuel Fernández Gil na data 27/12/2017 10:21:34

Teresa Egerique Mosquera na data 27/12/2017 10:21:40

María Antón Vilasánchez na data 27/12/2017 10:21:49

Carlos Gómez Salgado na data 27/12/2017 10:21:55

Carlos Enrique López Crespo na data 27/12/2017 10:22:04

Antonio Mouriño Villar na data 27/12/2017 10:22:13

Moisés Rodríguez Pérez na data 27/12/2017 10:22:22

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 27/12/2017 12:14
Nº Rexistro: 21815
Data envío: 27/12/2017 12:14:15.482

Martín Fernández Prado na data 27/12/2017 10:22:31

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.2 26961(10/POC-004376)

Grupo Parlamentario dos Socialistas de Galicia

Álvarez Martínez, Luis Manuel e Burgo López, María de la Concepción

Sobre a valoración da Consellería de Cultura, Educación e Ordenación Universitaria respecto da demora rexistrada na recepción polo alumnado do material necesario para o desenvolvemento do proxecto Educación Dixital (E-Dixgal) no curso 2017-2018, a súa opinión en relación coa incidencia da súa aplicación práctica no fomento da confianza da comunidade educativa nese proxecto e o número de centros que renunciaron á súa participación nel dende a súa posta en marcha no curso 2014-2015, así como as medidas previstas para incrementar a súa participación

Publicación da iniciativa, 272, 07.03.2018



Grupo Parlamentario

Á Mesa do Parlamento

Partido dos
Socialistas
de Galicia

Luís Manuel Álvarez Martínez e María Concepción Burgo López, deputado e deputada pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral na Comisión 4ª.

Mediante a Resolución do 22 de maio de 2017, da Dirección Xeral de Educación, Formación Profesional e Innovación Educativa convocouse a selección de centros para participar no proxecto Educación Dixital (E-Dixgal) durante o curso 2017-2018.

Este programa tal e como figura na citada resolución ten, entre outros, como obxectivo facilitar aos centros adscritos á rede Abalar a dispoñibilidade de libros e outros materiais dixitais cos que poidan desenvolver o seu proxecto curricular de 5º e 6º de Educación Primaria e 1º e 2º de ESO no curso 2017-2018, debendo comprometerse os centros a manter o programa durante catro cursos académicos.

Como xa manifestou este grupo parlamentario en xuño de 2017, este plan non conta, polos motivos que sexan, coa aceptación maioritaria dos centros, afirmación que sustentamos nos seguintes feitos:

1) Para o curso 2014/2015, mediante a Resolución do 10 de xullo de 2014 (DOG do 7 de agosto) seleccionáronse 84 centros, todos eles impartindo educación primaria.

2) Para o curso 2015/2016 e mediante a Resolución do 21 de xullo (DOG do 11 de agosto), seleccionáronse 13 centros de educación primaria e 12 de educación secundaria obrigatoria.

3) Para o curso 2016/2017, e mediante a Resolución do 17 de xuño de 2016, foron seleccionados 2 centros de educación primaria e 2 de educación secundaria obrigatoria.

Por último, e para o curso 2017/2018 foron seleccionados 24 centros de educación primaria, 4 de educación primaria e secundaria e 36 de educación secundaria.



Grupo Parlamentario

En total, 123 centros corresponden a educación primaria sobre un total de 904 que a imparten nesta comunidade autónoma, o que supón un 13,61 % e 54 centros corresponden a educación secundaria obrigatoria sobre un total de 515, o que supón un 10,69 %.

Partido dos
Socialistas
de Galicia

Nos debates orzamentarios correspondentes ao ano 2018, que se levaron a cabo a finais do ano 2017, este grupo parlamentario xa puxo de manifesto que a implementación deste programa estaba resultando errada posto que os centros aínda non recibiran o equipamento necesario, fundamentalmente os ordenadores.

Na segunda semana deste mes de febreiro, a propia Consellería facía público que se completaba a entrega dos 13.000 novos equipos, polo que resulta evidente que ata este momento o alumnado non dispoñían do equipamento axeitado; e mesmo parece que existen denuncias de que o material entregado está incompleto.

Ante esta situación o deputado e a deputada que asinan formulan as seguintes preguntas:

1ª) Que valoración fai a Consellería de Cultura, Educación e Ordenación Universitaria do feito de que o alumnado non dispuxese ata febreiro, e polo tanto logo de transcorridos cinco meses dende o inicio de curso, do material necesario para o desenvolvemento do programa E-Dixgal?

2ª) Que coñecemento ten a Consellería de Cultura, Educación e Ordenación Universitaria dos instrumentos alternativos que se empregaron nos centros ata a chegada do material?

3ª) Considera a Consellería de Cultura, Educación e Ordenación Universitaria que a aplicación práctica durante o curso 2017/2018 de E-Dixgal contribúe a fomentar a confianza da comunidade educativa neste proxecto?

4ª) Cantos centros renunciaron á súa participación no proxecto E-Dixgal dende a súa posta en marcha no curso 2014/2015?

5ª) Considera aceptable a porcentaxe de centros que participan no proxecto?

6ª) Que medidas pensa poñer en marcha para incrementar a participación dos centros?

Pazo do Parlamento, 26 de febreiro de 2018

Asinado dixitalmente por:



PARLAMENTO DE GALICIA
REGISTRO XERAL ENTRADA
Data asento: 26/02/2018 16:45
Nº Rexistro: 26961



Data envío: 26/02/2018 16:45:42.745



Grupo Parlamentario

Luis Manuel Álvarez Martínez na data 26/02/2018 16:44:49

Maria de la Concepción Burgo López na data 26/02/2018 16:44:55

Partido dos
Socialistas
de Galicia

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.3 29948(10/POC-004767)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a opinión da Xunta de Galicia respecto da concesión de títulos nobiliarios a herdeiros de persoas relacionadas co franquismo

Publicación da iniciativa, 300, 04.05.2018



PARLAMENTO DE GALICIA
REXISTRO XERAL ENTRADA
Data asento: 24/04/2018 16:30
Nº Rexistro: 29948
Data envío: 24/04/2018 15:18:50.529



Á MESA DO PARLAMENTO

Ánxeles Cuña Bóveda e Luca Chao Pérez, deputadas do **Grupo Parlamentar de En Marea**, ao abeiro do disposto no artigo 156 do Regulamento da Cámara, presenta a seguinte **Pregunta, para a súa resposta oral na Comisión 4.ª**, relativa á reclamación de Carmen Martínez-Bordiu do título nobiliario de “Duquesa de Franco, con Grandeza de España”.

Carmen Martínez-Bordiú Franco, neta do xeneral golpista, vén de reclamar para si un título nobiliario que lle foi outorgado a súa nai polo entón rei Juan Carlos. O título de “Duquesa de Franco, con Grandeza de España” foi concedido a Carmen Polo o 27 de novembro de 1975, unha semana despois do pasamento do ditador. Agora forma parte da suculenta herdanza familiar que está valorada en máis de 500 millóns de euros e que inclúe o Pazo de Meirás e a Casa Cornide.

A concesión do título foi recollida nun decreto do BOE no que o novo rei se expresaba do seguinte xeito:

“Deseando dar una muestra de mi Real aprecio a doña Carmen Franco Polo, Marquesa de Villaverde, y en atención a las excepcionales circunstancias y merecimientos que en ella concurren.

Vengo en concederle la Merced Nobiliaria de Duquesa de Franco, con Grandeza de España, para sí, sus hijos y descendientes, exento de derechos fiscales en su creación y en la primera transmisión.

Así lo dispongo por el presente Decreto, dado en Madrid a veintiseis de noviembre de mil novecientos setenta e cinco”.



Así, o decreto contempla a transmisión do título que agora reclama a neta do ditador de infame recordo. A súa solicitude recóllese no BOE do 26 de marzo de 2018:

“La sucesión en el título de Duque de Franco, con Grandeza de España, ha sido solicitada por doña María del Carmen-Bordiú Franco, por fallecimiento de su madre, doña Carmen Franco Polo...”

A Asociación para a Recuperación da Memoria Histórica (ARMH) decidiu poñer o asunto a disposición da Fiscalía por considerar que “haber dado un golpe de Estado el 18 de julio de 1936, haber asesinado a 114.226 personas que fueron hechas desaparecer, haber violado y humillado a decenas de miles de mujeres, haber enviado al exilio a medio millón de personas, haber encarcelado a homosexuales e ingresado en centros psiquiátricos a lesbianas, haber robado a punta de pistola cientos de miles de propiedades, que hoy no están en manos de sus legítimos dueños, haber utilizado esclavos políticos hasta 30 años después de terminada la guerra, y haber sido parte de una familia que se aprovechó de cuarenta años de terror y de corrupción política y económica para obtener una fortuna construída desde el saqueo y la violencia” non son motivos para honrar a ninguén cun título. Ademais, a ARMH considera que a entrega do mesmo podería constituir un delito polo feito de enaltecer a ditadura, a violencia política e o terrorismo do Estado; ademais de por humillar e maltratar ás vítimas do franquismo.

A denuncia é moi pertinente, xa que na actualidade unha trintena de herdeiros franquistas conservan os títulos nobiliarios outorgados polo ditador aos seus antepasados para agradecer as súas accións ao servizo do réxime. Se isto sucede é porque contaron coa conivencia de tódolos Gobiernos democráticos dende



PARLAMENTO DE GALICIA
REGISTRO XERAL ENTRADA
Data asento: 24/04/2018 16:30
Nº Rexistro: 29948
Data envío: 24/04/2018 15:18:50.529



Adolfo Suárez ata os nosos días. Ningún executivo tivo a vontade de rematar cos absurdos privilexios que supoñen os títulos nobiliarios.

Ao mesmo tempo, descubrimos, xa sen incredulidade, que nos Orzamentos Xerais do Estado (OXE) para o ano 2018 non hai un só euro destinado á memoria histórica. Os máis de 114.000 cadáveres que seguen nas 2.500 fosas comúns do país terán que continuar agardando a que algún Goberno lembre que a historia de España non comezou no ano 1978. Iso si, a partida asignada á Casa Real prevé un aumento do 0,9%.

Ante esta situación, o Grupo Parlamentario de En Marea presenta a seguinte Pregunta para a súa resposta oral en Comisión:

- Que lle parece ao Goberno da Xunta que aínda hoxe os herdeiros dos principais actores do franquismo sexan recoñecidos con títulos nobiliarios?

Santiago de Compostela, 24 de abril de 2018.

Asdo.: Ánxeles Cuña Bóveda,
Luca Chao Pérez,
Deputadas do G.P. de En Marea.

Asinado dixitalmente por:

María de los Ángeles Cuña Bóveda na data 24/04/2018 13:58:07



Luca Chao Pérez na data 24/04/2018 13:58:15



PARLAMENTO DE GALICIA
REGISTRO XERAL ENTRADA
Data asento: 24/04/2018 16:30
Nº Registro: 29948
Data envío: 24/04/2018 15:18:50.529

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.4 30022(10/POC-004777)

Grupo Parlamentario dos Socialistas de Galicia

Burgo López, María de la Concepción e Álvarez Martínez, Luis Manuel

Sobre a valoración da Consellería de Cultura, Educación e Ordenación Universitaria en relación coa situación e a actividade do Centro Dramático Galego, as razóns da realización da produción "Divinas Palabras" por unha empresa privada e as súas previsións respecto da introdución dalgunha modificación na xestión dese centro, así como a apertura dunha mesa de diálogo cos representantes de todos os sectores teatrais para adoptar as medidas necesarias co fin de impulsalo

Publicación da iniciativa, 300, 04.05.2018



Á Mesa do Parlamento

Concepción Burgo López e Luís Manuel Álvarez Martínez deputada e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte **pregunta para a súa resposta oral en Comisión 4.ª, Educación e Cultura.**

A Asociación de Actores e Actrices de Galicia acaba de denunciar a grave situación na que se atopa o Centro Dramático Galego, un dos centros de produción cultural máis importantes do noso país pero que leva anos sufrindo un abandono moi preocupante por parte da Xunta de Galicia e ten graves problemas de funcionamento.

Así, a Asociación de Actores e Actrices incide no descenso da súa actividade cunha cada vez máis reducida produción propia que agora é tan só dunha obra por tempada e por riba realizase con elencos moi reducidos o que, unido á diminución da actividade, o leva a deixar de constituír un impulso ao sector teatral como é a obriga dun centro de produción público.

Ademais existe un claro problema de distribución dado que a obra máis recente, *Martes de Carnaval*, só estivo en sete cidades galegas polo que o CDG tampouco cumpre a súa labor de levar a cultura teatral aos galegos e galegas de todo o país, suplindo os problemas que poida ter a iniciativa privada.

Os profesionais unen a burocratización que interfire no funcionamento da CDG, o que se viu claramente o ano pasado coa dimisión da metade do tribunal encargado de seleccionar o elenco de *Martes de Carnaval*, ao impoñer o AGADIC procesos pouco adecuados para a realidade da produción teatral.

E por riba, agora parece que o AGADIC quere cambiar a forma de xestión do CDG dado que adxudicou a contratación da dirección, dramaturxia, tradución e interpretación da obra *Divinas Palabras* polo sistema de negociado sen publicidade por 76.000 euros. Isto supón unha externalización polo que o CDG non ten ningún control sobre o



 Grupo Parlamentario

Partido dos
Socialistas
de Galicia

desenvolvemento da posta en marcha da obra, cousa que nunca se dera e que non se entende que beneficios reporta ao CDG.

O goberno do PP presidido polo Sr. Feijoo nunca tivo unha política positiva e de apoio ao CDG, valga recordar como estivo un ano sen dirección e sobre todo o fortísimo descenso dos seus orzamentos, baixando de 1.150.000 euros en 2009 a uns vergoñentos 250.000 euros en 2018.

A verdade é que a actitude do goberno do presidente Feijoo parece indicar unha vontade de terminar co CDG, creado fai máis de trinta anos como resposta ás demandas do sector escénico, o que non é aceptable.

Por todo o exposto anteriormente, a deputada e o deputado que asinan formulan as seguintes preguntas:

1ª.) Que valoración fai a Consellería de Cultura, Educación e Ordenación Universitaria da situación do Centro Dramático Galego?

2ª.) Considera que está tendo unha actividade adecuada?

3ª.) A que se debe que a última produción, *Divinas Palabras*, sexa feita por unha empresa privada e non polo CDG?

4ª.) Pensa a Consellería de Cultura, Educación e Ordenación Universitaria modificar a forma de xestión do CDG?

5ª.) Que medidas vai tomar para que o CDG poida cumprir dignamente a súa función?

6ª.) Ten pensado abrir unha mesa de diálogo cos representantes de todos os sectores teatrais para adoptar medidas que impulsen ao Centro Dramático Galego?

Pazo do Parlamento, 25 de abril de 2018



PARLAMENTO DE GALICIA
REXISTRO XERAL ENTRADA
Data asento: 25/04/2018 18:28
Nº Rexistro: 30022
Data envío: 25/04/2018 18:28:28.261

 **Grupo Parlamentario**



Asinado dixitalmente por:

Maria de la Concepción Burgo López na data 25/04/2018 18:27:57

Luis Manuel Álvarez Matínez na data 25/04/2018 18:28:06

Partido dos
Socialistas
de Galicia

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.5 30366(10/POC-004818)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre as previsións do Goberno galego respecto da atención das demandas da ANPA do CEIP A Ramallosa, do concello de Teo, referidas ás melloras necesarias no centro

Publicación da iniciativa, 302, 09.05.2018



Á MESA DO PARLAMENTO

Luca Chao Pérez e Ánxeles Cuña Bóveda, deputadas pertencentes ao Grupo Parlamentar de **En Marea**, ao abeiro do recollido no artigo 156 do Regulamento da Cámara, presenta a seguinte **PREGUNTA, para a súa resposta oral na Comisión 4.ª**, relativa ao estado de conservación do CEIP A Ramallosa en Teo.

Recortes reiterados e abandono, eses foron os dous piares da política do Partido Popular respecto á conservación e mantemento dos centros educativos do país.

Unha partida que pasou de algo máis de 11 millóns e medio de euros en 2008, a 4.650.000 euros nestes últimos orzamentos, que en termos reais, isto é descontando as variacións do IPC, supón case un 70% menos. Un 70% menos que se traduce en aulas en mal estado, alumnado en clase con abrigo, cubertas que seguen tendo amianto e, en definitiva, ausencias graves de infraestrutura escolar nun parque escolar avellentado.

Neste senso, as deficiencias nas escolas acumúlanse, tal e como acontece no CEIP A Ramallosa en Teo.

De feito hai tempo que a ANPA e o propio Consello escolar do centro levan denunciando as necesidades urxentes que teñen.

Por todo isto, o Grupo Parlamentar de En Marea presenta as seguintes preguntas para a súa resposta oral en Comisión:

- Vai atender o Goberno galego as demandas de mellora da ANPA do CEIP A Ramallosa?



PARLAMENTO DE GALICIA
REXISTRO XERAL ENTRADA
Data asento: 03/05/2018 13:05
Nº Rexistro: 30366
Data envío: 03/05/2018 13:05:21.120



- En que prazo?

Santiago de Compostela, 3 de maio de 2018.

Asdo.: Luca Chao Pérez

Ánxeles Cuña Bóveda

Deputadas do G.P. de En Marea.

Asinado dixitalmente por:

Luca Chao Pérez na data 03/05/2018 13:00:22

María de los Ángeles Cuña Bóveda na data 03/05/2018 13:00:29

Reunión da Comisión 4ª, Educación e Cultura

Día: 24.05.2018

Hora: 10:30

Orde do día

2.6 30453(10/POC-004830)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre o procedemento seguido polo Goberno galego para comunicarlles ás universidades a súa intención de conxelar as taxas universitarias e de reducir o prezo das matrículas dos mestrados, a avaliación das súas repercusións para elas e as súas previsións respecto da compensación das carencias orzamentarias que veñen padecendo desde o inicio da crise, así como a data de inicio das conversas para na negociación do novo plan de financiamento do Sistema universitario de Galicia

Publicación da iniciativa, 302, 09.05.2018



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 03/05/2018 17:46
Nº Rexistro: 30453
Data envío: 03/05/2018 17:46:51.220

Á Mesa do Parlamento

Montserrat Prado Cores, Olalla Rodil Fernández, Ana Pontón Mondelo, Xosé Luis Rivas Cruz, Luis Bará Torres e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para a súa resposta oral en Comisión**, sobre o financiamento das universidades públicas galegas.

Na sesión plenaria do 25 de abril o presidente da Xunta de Galiza avanzou que proporía ás universidades públicas galegas conxelar as taxas universitarias un ano máis e reducir o prezo da matrícula dos Mestrados profesionalizantes ao custe dos Graos.

Se ben é certo que estas medidas benefician ao alumnado, ao lle abaratar o custe da súa formación superior, tamén teñen a súa repercusión orzamentaria nas Universidades que teñen como principais fontes de ingreso as taxas e as transferencias orzamentarias da Xunta de Galiza a través do Plan de Financiamento.

Neste senso, as reitorías das tres universidades galegas (USC, UDC e UVigo) teñen reaccionado ao anuncio do presidente da Xunta demandando máis fondos públicos cos que compensar a redución dos seus ingresos.

Por todo o exposto fórmulanse as seguintes preguntas para resposta oral en comisión:



BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 03/05/2018 17:46
Nº Rexistro: 30453

Data envío: 03/05/2018 17:46:51.220

- Tense reunido a Xunta de Galiza coas novas reitorías saídas das eleccións universitarias desenvolvidas na USC e a UVigo?
- De que maneira lle ten comunicado o Goberno galego ás universidades a vontade de conxelar as taxas e reducir o prezo das matrículas dos mestrados?
- Ten avaliado, alén dos beneficios que suporá para o alumnado, a repercusión que esta decisión terá para as universidades?
- En caso afirmativo, cal é o resultado?
- Pensa compensar dalgunha maneira a Xunta de Galiza as carencias orzamentarias que arrastran as universidades desde o estourido da crise?
- Cando pensa iniciar o Goberno galego as conversas para negociar o novo Plan de Financiamento do SUG?

Santiago de Compostela, 8 de febreiro de 2018

Asdo.: **Olalla Rodil Fernández**

Noa Presas Bergantiños

Montserrat Prado Cores

Xosé Luis Rivas Cruz

Luis Bará Torres

Ana Pontón Mondelo

Deputadas e deputados do G.P. do BNG



BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 03/05/2018 17:46
Nº Rexistro: 30453
Data envío: 03/05/2018 17:46:51.220

Asinado dixitalmente por:

Olalla Rodil Fernández na data 03/05/2018 17:45:30

María Montserrat Prado Cores na data 03/05/2018 17:45:35

Ana Pontón Mondelo na data 03/05/2018 17:45:36

Xose Luis Rivas Cruz na data 03/05/2018 17:45:37

Noa Presas Bergantiños na data 03/05/2018 17:45:39

Xosé Luis Bará Torres na data 03/05/2018 17:45:40